



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanuelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Vsque ad annum 30. lignariam exercet. 16

urn:nbn:de:hbz:466:1-38349

Nunquam, aut minori piaculo amissus,
 Aut majori solertia quæsitus est Deus.
 Amicus solitudinis non creditur miscuisse se turbæ,
 Unde nec de illo turba rogatur.
 Suspiciatum quempiam miror,
 Potuisse Jesum pro alio, quam pro Patre,
 Tam bonam Matrem deserere.
 Inter Cognatos inveniendus non fuerat,
 Qui ab iis quandoque fugam suasurus,
 Salutarem doctrinam si tradidisset præcepto,
 Destruisset exemplo.
 Atqui ultra triduum non meruere torqueri,
 Qui talem nullo demerito jacturam incurrerant;
 Errorem quærentium prodit inventio:
 Docet hæc publicam Mundi Victimam,
 Male alibi, quam in loco sacrificii vestigatam;
 Nec bene creditum, omnis centrum sapientiæ
 Alius, quam Doctorum in medio, latebras habuisse.
 Gemit sub loquentis Pueri Majestate
 Seniorum tumor oppressus;
 Seu modestiam interrogantis,
 Seu auctoritatem respondentis, attendant,
 Tot suspiciunt in illo monstra, quot verba;
 Ut mundum tamen utilius ad salutem erudias,
 Descende, mi Jesu, de Cathedra,
 Et esto subditus Matri,
 Me sapere non doceas,
 Quamdiu non docueris obedire.

ELOGIUM XVI.
USQUE AD ANNUM TRIGESI-
MUM LIGNARIAM EXERCET.

Luc. cap. 2.

Itane igitur,
 Lux mundi, in mundum veneris, ut lateres?
 Nobis natus, tibi cur vivas?
 Thesaurus ignoratus neminem ditat,
 Et lucerna sub modio
 Demeretur lumen quod habet, quia nulli dat.

B ;

Celata

*Nunquam minori
 piaculo, quia nullo,
 Christus non quæsitus
 in turba, sed solum
 inter cognatos, &
 matos.*

*Disturus enim erat,
 veni separare hemi-
 nem, &c. & inimicis
 hominis domestici
 ejus, Matth. c. 10.
 Locus ubi inventus
 Christus est, docuit
 ubi & quarendus
 fuerit.*

*Christus publica
 Mundi victima ob-
 tulit se sacrificium
 pro peccatis.*

*Omnis enim sapien-
 tia tendit ad Chri-
 stum tanquam cen-
 trum.*

*Invenere illum in-
 ter Doctores interro-
 gantem.*

*Proprium Christi
 docere id, quod in
 Mundo didicerat,
 hoc est obedientiam,
 teste Paulo.*

*Lux venit in Mun-
 dum, mundus autem
 eam non cognovit.
 Parvulus enim natus
 est nobis. Ex Isaia
 & Angelus ad Pa-
 stores, natus est
 vobis, &c.*

Nemo accendit lucernam, & ponit sub modio.

Paradisus enim Christi, & locus deliciarum Maria locus item omnis eruditionis.

Encyclopedia circulus artium liberalium quibus eruditur adolescentia.

Eruditio enim hominum, vel vana, ut Poetarum, vel mendax, ut historicorum, vel plena ignorantis, ut Philosophorum.

Pythagoreorum Ti rocinium quinquennale silentium.

Ita vocat incarnationem Chrysologus. Caelum & terra transibunt, verba autem mea non praeteribunt.

Ait Petrus ad Christum, verba vitae aeterna habes.

Ephemerum id, cuius duratio est unius solum diei.

Antonomaſtice Christus vocatus Magister, ut passim in Evangelio.

Doctrinam scilicet de abnegatione sui & animi demissione Nihil enim difficilius homines exiunt, quam seipsos.

Adorant enim se ipsos magis, quam idolum quodcumque mortales.

Artes Christi, ut iugum Crucis si res hominibus leve.

Celata virtus sterile bonum est,
Proditā & admiratores parit, & amatores,
Atqui omnes Domi habens in Marte delicias.

Eas alibi renuis vestigare,
Supplet tibi Athenæum Maria.

Cujus assidua contemplatio,
Encyclopedia est,

Non alia fuit in terris eruditio
Cognitore te digna;

Ideo præ hac, aliam omnem literaturam contemnis

Male loqui vel si velis, non potes;

Qui ipsius probitatis es Verbum;

Adhuc tamen novus è cælo Pythagoricus,
Sextum taces quinquennium.

Negotium Æternitatis

Præcipitandum in extremo non fuerat.

Rei magnitudinem apparatus minor non decuit

Quæ semel sancita retractanda non forent.

Attentionem hanc præviam meruere.

Æternæ vitæ Verba.

Quidni postea sis depræhensus habere?

Facile peritura nunquam ita diu concepisses,

Cum Ephemerum nihil sit,

Nisi quod parit impetus.

Mundi Magister

Doctrinarum tuarum difficilissimam

Proponens primam,

Uni Dogmati annos triginta,

Aliis ita multis, tres duntaxat assignas;

Quia qui in schola tua didicerit scire nescit,

Facile demum cætera doceatur.

Alia omnia philosophari per se homines poterant;

Demissionem honestaret,

Præter Altissimum, nemo.

Idololatriam sui dissuadere mortalibus

Minor non suffecisset auctoritas,

Vitæ difficultatibus otium persequutus,

Cum de Parentum posses sudoribus vivere,

Nutriti maluisti de tuis.

Levigatus singulis Cruces,

Ligna

Lignarius faber ex Figulo,
Ad dolabras accumis.

Tractat idem manus, quod animus.

Labores tui omnes, vel à ligno sunt, vel in Ligno.

Quando talem conducere Operam licet,

Ne negligite opportunitatem.

Extruendæ vobis domus æternæ mortales.

Ubi Majus illi otium est,

Minori pretio excitetur ad opus.

Exercere sine metu, fatigari nescias vires;

Hæc ipsa Deo irreverentia, sacrificium est.

Id unum meminertis,

Fabri hujus diurnam mercedem

Non aliam, quam vos esse.

ELOGIUM XVII.

JOANNIS BAPTISMATE AB-
LUITUR.

Matth. 3. Marc. I. Luc. 3.

Qua per Joannis hortamenta,

Qua per exempla tua,

Homines in aquas alliciens,

Ingenii tui penitiam profitentibus,

Non levem salutaris cujuspiam fraudulentæ

Suspicionem fecisti.

Qui jam apud te designaveris hominum piscatores,

Provide præparas illorum sagenæ nobilem prædā.

Ignorant te adhuc Navicularii Tyberiadis,

Et jam illorum in gratiam

Terrenum animal fieri jubes aquaticile;

Ne desit unquam lucri materies

Excuntibus in capturam,

Illis frequentiam Urbium,

In elementum piscium transfers.

Mergis & tu bona Mater, Achilles tuos,

Quos omni cuperes securos à vulnere;

Iis solidandis quælibet tibi Lympha styx est.

Vindicasti pœnitentiam ab omni prorsus infamia,

Dum Reorum virtutem,

B 4

Justitiæ

*Figulus enim olim
visus est fuisse Deus,
cum in creatione
hominis lutum tra-
ctaret in campo
Damascono.*

*Peccatum enim, quod
summum est Christi
labor, ab arbore, de
cujus fructibus
Adam comedit.*

*In cælo enim perennis
Christo Sabbatum est.*

*Amat enim Deus
nos operam suam
exigere, & adhibere
in commoda nostra.*

*In premium enim
collocata nobis opera
est, Fili prabe mihi
cor tuum.*

*Prædicabat Joannes
baptismum peniten-
tiæ, ad quod suo ex-
emplo populos invi-
tauit etiam Christus,
Venite post me, fa-
ciam vos piscatores
hominum.*

*Hoc est, Apostoli qui
in Mari Tyberiadis
vacabant retibus.
Turba enim multa
confluebat in Jor-
danem ob baptis-
mum Joannis.*

*Alludit ad fabulam
Thestis, quæ mer-
gendo sæpius Achil-
lem in Styge invulne-
rabilem illum fecit.
Pœnitentia enim
videtur semper quo-
dammodo peccatum
supponere.*